



Poziv broj: 20.04.0-N2.4-1864  
Direktni e-mail: melina.dzelovic@kultbih.org

U Iliđi, 26. 8. 2021. g.

## **JAVNI POZIV**

### **lokalnim organizacijama civilnog društva koje se bave pitanjima marginaliziranih grupa u BiH za učešće u programu obuke za razvoj i jačanje organizacijskih kapaciteta**

Program podrške zaštiti ljudskih prava (USAID/INSPIRE) Američke agencije za međunarodni razvoj (USAID), poziva lokalne organizacije civilnog društva iz Bosne i Hercegovine, čije je djelovanje usmjereno na poboljšanje položaja osoba sa invaliditetom, Roma, žena, LGBTQI zajednice, žrtava trgovine ljudima i drugih marginaliziranih grupa u BiH, da se prijave na program obuke za razvoj i jačanje organizacijskih kapaciteta. Pružajući ovu vrstu podrške organizacijama civilnog društva želimo graditi kapacitete za promociju i zaštitu prava nedovoljno zastupljenih građana/ki u BiH.

USAID/INSPIRE nastoji osigurati da svi nivoi vlasti u BiH prepoznaju i uključe organizacije civilnog društva i građane/ke kao bitne i odgovorne partnere u proces izrade politika. Tehnička podrška usmjerena je na jačanje kapaciteta organizacija civilnog društva i institucija u BiH kako bi bolje služili marginaliziranim građanima. U prilogu ovog poziva možete pronaći više informacija o programu, a kalendar svih obuka za 2021. godinu možete vidjeti na [ovdje](#).

### **Treninzi:**

Do kraja septembra 2021. godine predviđen je jedan trening, koji će se održati prema sljedećem planu:

#### **I. Rodna ravnopravnost, u periodu od 27. do 29. septembra 2021. godine**

U slučaju stupanja na snagu novih epidemioloških mjera, organizator zadržava pravo otkazivanja ili promjene strukture treninga (smanjenje broja učesnika ili održavanje treninga na određenoj online platformi).

Trening je koncipiran na način da osnaži sve nivoe strukture jedne organizacije.

### **Prijava:**

Predviđeno je da svaka lokalna organizacija civilnog društva čije je djelovanje usmjereno na poboljšanje položaja marginaliziranih grupa u BiH, koja iskaže interes za učešće na treningu, delegira po jednog

predstavnik/cu. Ohrabruju se organizacije da prijave polaznike/ce koji **direktno rade sa marginaliziranim grupama** i koji su zaduženi za zadatke koji koreliraju sa oblastima koje će se obrađivati na treningu. Preporuka je da se prijave polaznici/ce koji ranije nisu imali prilike prisustvovati treninzima u okviru USAID/INSPIRE programa.

**Za trening Rodna ravnopravnost** potrebno je:

- U periodu od 6. do 17. septembra prijaviti učešće [na ovom linku](#).

Napominjemo da je riječ o pojedinačnim prijavama, odnosno da prijave popunjavaju pojedinci u ime organizacije, svako za sebe, a ne organizacija.

### **Odabir polaznika/ca treninga**

Za trening je otvoreno 26 slobodnih mjesta. Organizator zadržava pravo odabira polaznika/ca i prednost će imati predstavnici organizacija koje su korisnici grantova USAID kao i partnerske organizacije. Slanje prijave ne znači automatski da je osoba odabrana za učešće na obuci. USAID/INSPIRE će obavijestiti sve polaznike/ce o ishodu njihove prijave putem elektronske pošte. Molimo osobe koje su već prošle trening sa istom temom, a da ga je organizirao USAID, da se ne prijavljuju i tako omoguće učešće nekome ko nije imao priliku proći obuku o toj temi.

### **Tehničke informacija**

Trening će se održati u hotelu Hills u Ilidži, Sarajevo. Troškove smještaja i ishrane tokom treninga, te putne troškove snosi organizator.

Agendu, tehničke informacije, mjesto održavanja treninga, zahtjev za refundaciju putnih troškova, kao i sve druge potrebne informacije o treningu odabrani polaznici/e dobit će pravovremeno putem elektronske pošte.

Molimo sve učesnike/ce koji imaju specifične zahtjeve (npr. režim ishrane, pristup kolicima, smještaj za personalnog asistenta ili sl.) da to navedu u okviru prijavnog obrasca, polje „Dodatni komentari“.

**Potvrde o učešću** će biti dodijeljene za sve polaznike koji ne budu imali izostanaka s treninga.

**Fotografije snimljene na treninzima koristit će se za promociju događaja i za monitoring i evaluaciju aktivnosti USAID-a.**

### **Dodatne informacije**

Za sva dodatna pitanja i pojašnjenja možete nas kontaktirati putem elektronske pošte [melina.dzelovic@usaidinspire.ba](mailto:melina.dzelovic@usaidinspire.ba) (subject/predmet: 20.04.0-N2.4-1864, Upit) ili telefonom na broj 033 778 766.